

## شرح كتاب مدارج السالكين للشيخ أحمد جلال

أحمد جلال

حبيبتي ام ما زلتا منزلة الادب وانا دايما بقول ان المنزلة دي هي المنزلة الفارقة في حياة كل انسان فينا. كل انسان منا اكيد بيجي على دماغه دايما الهادي يا ترى هو انا يوم القيامة من اهل الجنة ولا من اهل النار؟ منزلة الادب هي - 00:00:00

متحدد دايما انت فين وعايز ابدأ معكم بخمس احاديس متنسوهمش ابدا يا اخوانا في حياتكو دايما بيقولوا ان الملتزمين المتدينين عندهم سوء ادب. وطبعا ده كذب لأن لا يمكن ابدا بحامل احوال انسان تلاقيه تدين الى الله بحق وتلاقيه عنده سوء ادب. لأن - 00:00:40

المتدين دايما عنده قاعدة اساسية. انه لا يكمل له الايمان. ولا يكمل له الاسلام الا بالادب ده قانون عندنا النبي قال لنا كده اكمل المؤمنين ايمان ايه؟ احسن الخلق. انا ايمناني لا يكمل - 00:01:10

ادب مع كل الخلق. مش مع المتدين اللي زيده بس. مش مع الملتزم اللي زيده بس. لا. لا يكمن لك ايمان الا لما تنزل في منزلة الادب وتطبق الواجب عليك في منزلة الادب. ولو حابب في يوم من الايام تعرف - 00:01:30

اجابة عن السؤال انت مع اهل الجنة ولا مع اهل النار؟ انا اديك خمس احاديس اوزن بهم نفسك. يا جماعة درس النهاردة مهم جدا. درس النهاردة في غاية الاهمية. وحابب ابدأ بالخمس احاديس دول علشان يقولوا لنا احنا - 00:01:50

حديثي الاولاني رواه ابن ماجة بأسناد صحيح من حديث عبدالله ابن عباس رضي الله عنهما. ان النبي صلى الله عليه وسلم قال اهل الجنـة من ملأ الله اذنيه من ثناء الناس عليه خيرا - 00:02:10

واهل النار من ملأ الله اذنيه من ثناء الناس عليه شرا. ده اول شيء يقول لك انت فين؟ اول شيء يقول لك راجع نفسك بقى. فتجد دايما الانسان اللي نزل في مقام الادب يا احمد - 00:02:30

وعنده ادب واحترام وخلق ويتعامل مع كل الخلق بادب واحترام من نعم الله عليه انه بيدي له اشاره كده انت فين فيملا الله عز وجل اذنيه من ثناء الناس عليه - 00:02:49

تلقيه وهو في الكلية الدكتـارة كلها تبني عليه وعلى ادبـه تلقيـه في الشـارع جـيرـانـه وـاـهـلـ المـكـانـ يـثـنـونـ عـلـيـهـ خـيـرـاـ وـيـشـاءـ اللـهـ سـبـحـانـهـ وـتـعـالـىـ اـهـنـيـهـ يـصـلـ هـذـاـ ثـنـاءـ اـلـىـ اـذـنـيـهـ وـتـلـقـيـ التـانـيـ نـسـأـلـ اللـهـ سـلـامـةـ وـانـ يـعـافـيـنـاـ مـنـ الصـنـفـ الثـانـيـ دـهـ.ـ اللـيـ هـوـ وـالـعـيـازـ بـالـلـهـ فـعـلـاـ اـنـسـانـ شـرـ - 00:03:04

انسان بمجرد ما تشوـفـهـ كـدـهـ تـفـتـكـرـ اـبـليـسـ فـيـ سـوـءـ خـلـقـهـ.ـ دـهـ سـبـحـانـ اللـهـ!ـ يـاـ اـخـيـ النـاسـ بـتـقـولـ هـلـ الـكـلـامـ مشـ كـوـيـسـ يـاـ اـخـيـ اـنـقـ اللـهـ.ـ اللـيـ عـاـيـزـ يـقـولـ يـقـولـ لـاـ مـسـأـلـةـ مشـ كـدـهـ.ـ الـمـسـأـلـةـ مشـ كـدـهـ.ـ وـتـلـقـيـ رسـالـةـ تـيـجيـ لـهـ - 00:03:29

رسـالـةـ وـرـاـ التـالـتـةـ وـلـاـ الرـابـعـةـ وـمـعـ ذـلـكـ هـوـ مـشـ هـنـاـ اـصـلـاـ اـنـاـ مـاـ يـهـمـنـيـشـ كـلـامـ النـاسـ.ـ لـاـ دـهـ النـبـيـ هـنـاـ صـلـىـ اللـهـ عـلـيـهـ وـسـلـمـ وضعـ لـنـاـ мـيـزـانـ лـиـ يـوـزـنـ لـكـلـ اـنـسـانـ فـيـنـاـ اـيـنـ هـوـ؟ـ اـمـاـ الـحـدـيـثـ الثـانـيـ فـيـقـولـ النـبـيـ صـلـىـ اللـهـ عـلـيـهـ وـسـلـمـ حـدـيـثـ عـنـ اـحـدـ - 00:03:49

وابـنـ حـيـانـ وـابـنـ مـاجـةـ مـنـ حـدـيـثـ اـبـنـ اـبـيـ زـهـيرـ رـضـيـ اللـهـ عـنـهـ قـالـ خـطـبـنـاـ رـسـوـلـ اللـهـ صـلـىـ اللـهـ عـلـيـهـ وـسـلـمـ فـيـ يـوـمـ قـامـ فـيـنـاـ خـطـيـباـ.ـ فـقـالـ يـوـشكـ اـنـ تـعـرـفـوـ اـهـلـ الـجـنـةـ مـنـ اـهـلـ النـارـ - 00:04:12

يوـشكـ اـنـ كـلـ اـنـسـانـ مـنـكـمـ يـعـرـفـ مـيـنـ مـنـ اـهـلـ الـجـنـةـ وـمـيـنـ مـنـ اـهـلـ النـارـ فـقـالـوـاـ وـبـمـ ذـاكـ يـاـ رـسـوـلـ اللـهـ؟ـ قـالـ بـالـثـنـاءـ الـحـسـنـ وـالـثـنـاءـ السـيـئـ الناسـ بـتـتـكـلـمـ عـلـيـكـ بـتـقـولـ اـيـهـ؟ـ اـنـاـ مـشـ بـلـفـتـ نـظـرـكـ لـكـلـامـ النـاسـ وـلـاـ بـلـفـتـ نـظـرـ اـخـتـنـاـ اللـيـ بـتـسـمـعـ اـلـانـ لـكـلـامـ النـاسـ.ـ وـلـكـنـ - 00:04:31

انا بلفت نظرك ان الناس بيحكموا على اخلاقك ويحكموا على ادبك وما يحكم عليه الناس به عليك انت بتاخد اهل المكان ده. وبالثانية  
الحسن انت من اهل الجنة. وبالثانية السبيء نسأل الله السلامه - 00:04:58

والنبي صلى الله عليه وسلم يقول كما في حديث انس ما من مسلم يموت فيشهد له اربعة ابيات من جيرانه. انهم كانوا لا يعلمون عنه  
الاخيرا الا قال الله عز وجل شب منكم ربنا يا رب يبارك فيكم جميعا يا رب. شاب منكم بنت من بناتنا ما شاء الله. بنت سانوية عامة  
بنت - 00:05:18

جامعة ان شاء الله تروح درس تروح كورس ما شاء الله روحى حاطة عندها في الارض من الحياة. مش من النوع اللي يقعد يهزر  
ويضحك مع الشباب هي ما شاء الله لا قوة الا بالله ظاهر عليها الادب في زيها في لبسها في طريقة كلامها في اسلوبها في حوارها -  
00:05:48

فسبحان الله البنت الكل بيشهد لها بالادب. فالنبي صلى الله عليه وسلم يقول من مسلم يموت فيشهد له قبعة ابيات من جيرانه ان هذا  
الرجل والله ما علمنا عنه الا خيرا. البنت دي عمرنا ما سمعنا لها صوت. البنت - 00:06:07

ما شاء الله على ادبه دي. شوفوا يا جماعة ولادها في ادبهم واحلاقهم عاملين ازاي ؟ طالعين لوالدتهم. الكلام الجميل ده. يشهد لها  
اربعة من جيرانها الا قال الله عز وجل اسأل الله ان يجعلني واياكم من اهل هذا الصنف. قال النبي صلى الله عليه وسلم فيقولون -  
00:06:27

والله لا نعلم عنه الا خيرا الا قال الله عز وجل وعذتي وجلالي قد قبلت علمكم فيه. وتجاوزت عنهم ما لا تعلمون عنه. انا اقبل من هذا  
الانسان العلم اللي انتم عارفين عنه. فكل عمل عمله انتم تعلموه عنه - 00:06:47

انا قبلت منه هذا العمل. وما لا تعلمون عن هذا الانسان من اشياء انا قد غرفتها لهذا الانسان. بايه ؟ يا جماعة بالادب ده انسان كان  
مؤدب ده كان شاب محترم. ده كان شاب على ادب وخلق. ما شاء الله لا قوة الا بالله. المدرسين كلهم بيشهدوا له بالادب - 00:07:07  
هو انسان مؤدب. يا اخوانا خلوا الشباب كلهم يفعلوا ما شاءوا من سوء خلق ومن سوء ادب خليك انت الغريب وسط هؤلاء. فطوبى  
لك. طوبى لك. خل البلد كلها ماشية غلط - 00:07:30

وانت الوحيد اللي ماشي بادب وحسن خلق. يا اخوانا طوبى لك واحنا في الجيش كان كل واحد فينا مؤدب بدرجة غير طبيعية ليه ؟  
لانه عايش في النهاية وهو خارج بعد فترة الخدمة بتاعته ياخد الشهادة مكتوب فيها ايه ؟ قدوة حسنة - 00:07:46  
فتلاقيه لو في يوم من الايام يعني معدى الزابط. تلاقي الادب والخلق وده مثل الاخلاق ويدعي له التحية كده. لو في يوم من الايام  
كيري زميلا عسكري زميلا عمل معه مشكلة. يقول له رح يا عم الله يسهل لك. هو ايه اللي مصبره على ده كله ؟ حاجة واحدة. انه عايز  
يطلع الشهادة - 00:08:05

مكتوب فيها قدوة حسنة مش عايز يطلع فيها حاجة تانية فاللي يصبر انسان على اذى لمدة سنة او اتنين او ثلاثة في الجيش عشان  
كلمة تتحط في الشهادة لا تقدم ولا تؤخر - 00:08:25

فمن باب اولى صبر الانسان على الضر والمكرره علشان شيء واحد. ده الجنة يا اخواننا. ده الجنة. والله والله لو لم يكن من فضائل  
الادب الا الحديث ده يكفي. اعيد الحديث ثانى. ما من مسلم يموت - 00:08:38

فيشهد له اربعة ابيات من جيرانه. انهم لا يعلمون عنه الا خيرا. الا قال الله عز جل وعذتي وجلالي قد قبلت علمكم وغفرت له ما لا  
تعلمون. عايزين خمسة ها يلا خمسة كده ورا يا اخواننا الله يبارك فيهم ونبأ نتبرع بالدم كده ان شاء الله. الله يحفزكم. الحديث  
الرابع - 00:08:58

حديس يوضح ليكم ازاي الاعتبار الاساسي في زمن النبي كان الادب الاعتبار الاساسي في زمن النبي الادب. حديث رواه احمد وابن  
حبان وعبد ابن حميد في مسنده من حديث ابي قتادة رضي الله عنه قال - 00:09:28

كان النبي صلى الله عليه وسلم اذا دعى الى جنازة سأل عنها يا رسول الله في حد ميت وعايزينك تصلي عليه فيقول النبي صلى الله  
عليه وسلم فيسأل عنه فيسأل النبي عن اللي مات ده اخباره ايه ؟ فان اثنى الناس - 00:09:51

فيه خيرة قام النبي فصلى عليه. وان اثنى الناس عليه شره. قال لاهلها شأنكم بها. صلوا عليه النبي كان بيقول انا مش هاصلی الا على المؤدب. من اثنى الناس عليه خيرا. احاديث دي يا اخواننا تجاوب لك على - 00:10:11

فكل سؤال بيدور في ذهنك. الاحاديث دي وامثالها يوضح لنا قد ايه الادب ده في ديننا شيء مهم اويء. شيء مهم جدا. امبارح رحت مشوار غفر الله لنا ولهم. الادب ما اعلم عملا اعطى الله عز وجل عليه اجرا وفضلا - 00:10:37

ثناء زي الادب. فوالله لربما يتبعد العابد مائة سنة. قيام وصيام وفي موقف واحد انت تقوم في هذا المقام في هذا الموقف بادب تأخذ ثواب من قوم مائة سنة صيام وقيام - 00:11:07

والله يا اخواننا النبي صلى الله عليه وسلم بيقول لنا في الحديث وان الرجل ليدرك بحسن خلقه درجة صائم النهار قائم الليل. انت وقوفك مع والدك ووالدتك بادب يساوي عند الله من ظل - 00:11:27

سنين طوال يصلني قيام ليل ويصوم النهار. شفت الادب بيوصلك فين؟ شفت الادب بيوصل بل قال صلى الله عليه وسلم ان اكتر حاجة تخلي القلوب بينا وبين بعض متألفة. اكتر حاجة يا اخواننا - 00:11:46

نكسن بها الناس. مش هتكون ابدا لا بفلوس ولا بجمال ولا بشكل ولا بمنصب ولا بجد بنشوف واحد رئيس جمهورية وطوب الارض بيكرهه بنشوف واحد امير ولا ملك والناس كلها بتدععي عليه - 00:12:06

بنشوف واحد مليادرير والناس كلها كارهه تتبع في وشه. صح؟ لأن الوصول الى قلوب الناس لا يكون ابدا بمنصب ولا بجاه ولكن الوصول الحقيقي لقلوب الناس بادبك. اكتر حاجة تخلي الناس كلها اسرى في حبك ادبك. انك تكون مؤدب - 00:12:21

واحنا بنشوف ده ممكن انسان بسيط جدا بس مؤدب يعني خلاص يعني انا ظني ظني من وجهة نظرى. ان محمد صلاح بازن لو فضل كمان تلات اربع شهور اجوان و حاجات من كده. بازن الله بازن الله. يعني ان شاء الله صلاة عيد الاضحى بازن الله هتقام هناك في بريطانيا - 00:12:41

هو اسر الناس بالادب. اسر الناس بالادب. انت يا اخواننا سروا الناس اللي حواليكم بادبكم قال رسول الله عليه الصلاة والسلام انكم لن تسعوا الناس باموالكم ولا احسابكم مش هتملكوا قلوب الناس لا ابقى اموالكم ولا باحسابكم. وانما يسعهم منكم بص الوجه وحسن الخلق - 00:13:01

تؤسروا قلوب الناس بالادب وبحسن الخلق. تلاقي شيخ داعية الى الله سبحانه وتعالى يعني علمه على قده بس مؤدب بيتعامل مع كل الناس بتواضع. تلاقي كل الناس بتحبه طوب الارض بيدععي له. وتلاقي واحد تاني عنده علم ما شاء الله لا كوييس - 00:13:31 ولكن لم يهدد نفسه. تلاقيه بيتعامل مع الناس بكبر وعنطبر. تيجي تتكلم معه تحس ان هو بيتنطط عليك. ايه يا عم تلاقي سبحانه الله وان كان قد حوى في قلبه علما كثيرا الا ان طوب الارض ييفضه. ليه؟ الادب - 00:13:51

وانا لا اصل ابدا الى قلب الناس الا بالادب انت لا تصل ابدا الى قلب الناس الا بالادب بكرة باذن الله لن تأثر قلب زوجتك الا بالادب. ولن تأسر قلوب ابنائك الا بالادب. هو الادب يا اخواننا - 00:14:09

الادب والاحترام. والله لو لم يكن للاخت المحجبة او المنتقبة وهي ماشية في الشارع كده حاطة وشها في الارض والله يا اخواننا تلاقي كل الشباب اللي الشباب طبعا الفاسد. تلاقي اغلب الشباب المتدين او اللي عنده دين يبص للبنت وهي داخلة بادب وماشية - 00:14:27

ابو خارجة بادب تلاقي سبحانه الله سبحانه الله ربنا سبحانه وتعالى يقذف على قلوب واسنة هؤلاء يدعوا للبنت دي. روحي ربنا يسترك زي ما والله يا اخواننا حد يعرف فيكم بنت شعيب كان اسمها ايه - 00:14:47

كان عندها كم سنة؟ طب كانت جميلة ولا مش جميلة؟ دوروا يا اخواننا دوروا يا اخواننا وده كلام بقى بوجهه لبنيتنا. ربنا يا رب بيارك فيهن جميعا. انا بوجهه الكلام ده لبنيتنا. هو اشمعنى - 00:15:04

ربنا سبحانه وتعالى ساق موسى عليه الصلاة والسلام لمدينة. لا ارض مدينة. اشمعنى؟ اشمعنى الارض بالذات؟ ليه ما راحش اي حتهة تانية ولماذا لما توجهه لمدين ما توجهش الا للحثة اللي فيها البئر ما راحش ليه في اي حتهة في بلد معينة. يعني بلد زي منصورة ممكنا -

يخش من جهة صندوق ممکن يخش من جهة المحافظة ممکن يخش من جهة طلخا. فبلد كبيرة نادية ما كانتش صغيرة ده بلد كبيرة جدا. بعالي عليه الصلاة والسلام يسوقه الله سبحانه وتعالى الى هذا المكان. ده ربنا كان بيديبر لبنت مؤدبة على خلق ربنا بيختار لها -

00:15:44

نبي واحد بنقول العزم من الرسل. ليه؟ ماذَا نعرف عن هذه البنت؟ نحن لا نعرف عن هذه البنت بتقل حاجة واحدة ان هي كانت ايه ؟ مؤدبة بس. فالزوج الصالح لأ هو عطية من الله سبحانه وتعالى -

00:16:04

عطية يعني هبة. يعني عطاء. عطية مش اسمه عطية. الزوج الصالح عطاء من الله سبحانه وتعالى. هو رايح لمين؟ رايح اليمين للبنت المؤدبة. انا والله يا اخوانا سيدنا موسى عليه الصلاة والسلام سافر كتير وخد رحلات كتير جدا طبعا زي ما انتم عارفين - 00:16:25 ولكن ان ربنا سبحانه وتعالى يدفعه دفعا للارض دي. علشان يتعرف على البنت دي. علشان ابوها يدعوه وبعد كده يعني يتزوجها والله يا اخوانا الزوج الصالح لا تناه الا البنت الدينية. اللي عندها ادب. علشان تعرف عطاء الله -

00:16:45

سبحانه وتعالى لها ان ربنا سبحانه وتعالى يدفع موسى عليه الصلاة والسلام من اراضي بعيدة عن مدين. اراضي بعيدة جدا. وسيدنا موسى تفضل رجليه واخداه لحد ما يصل لهذا المكان -

00:17:05

فداك العطاء من الله سبحانه وتعالى لصاحبة الادب. اللي ربنا اثنى عليها فقال فجاءته اصحابها تمشي على استحياء  
قالت اليه يدعوك. هو كده. هو كده. ده عطاء ربنا لها. علشان كده باقول لكم دايما يا اخواننا من تمسك بمنزلة -

00:17:18

ادب نال الكرامة. ربنا يرسل له من الكرامات ما لا يعلمه الا الله. ربنا يبعث له كرامات. ان شاء الله لا قوة الا بالله. بل قال صلى الله عليه وسلم -

00:17:38

لما سأله حديث اسامة بن شريك رضي الله عنه او شريك رضي الله عنه بيسأله النبي صلى الله عليه وسلم بيقولوا له يا رسول الله  
والله من احب عباد الله الى الله؟ ها يلا مين دول؟ مين؟ قال صلى الله عليه -

00:17:50

عليه وسلم احسنهم خلقا. ما قالش اكثراهم عبادة ما قالش اكثراهم صياما او قياما. وان اكتر حد ربنا سبحانه وتعالى بيحبه فبيدي له  
العطاءات دي كلها. المؤدب. احسن الناس خلقا. بل قال صلى الله عليه -

00:18:10

وسلم ان صلة الرحم وحسن الخلق وحسن الجوار. لا يزيدان في الاعمار ويعمران الديار. سبحان الله! تلاقوا دايما بيت اتخرب على  
دماغ اهله. بسبب ايه؟ ما عندهمش ادب. لا الزوج ولا الزوجة مؤدبین. لا الزوج ولا الزوجة -

00:18:30

لا هو محترم ولا هي محترمة. البيت خرب. صح؟ تلاقى امة من الامم وقع عليها العذاب وخربت. بسبب ايه لو دورتم يا اخواننا على  
كل الامم اللي ربنا اهلتها من قبلنا. سواء امم او جماعات او افراد هتلاقوا دايما ان كل امة دي ما اهلكت -

00:18:50

الا بسبب السوء خلقه اللي كان عندها. قوم لوط عندهم سوء خلق. قوم شعيب غشاشين. سوء خلق. قوم عدس متكبر سوء خلق.  
فرعون متكبر سوء خلق. قارون طغى عليهم سوء خلق. دور على اي حد من من -

00:19:10

من الامم او الجماعات او الافراد اللي ربنا ذكرهم في القرآن انه انزل عليه عليهم هلاكه هتلacci اعدائنا اقصى اهتماماتهم دلوقتي -  
الله! اللي عنده ادب واحترام حاجة تانية. علشان كده يا اخواننا اعدائنا هلاكه هتلacci اعدائنا اقصى اهتماماتهم دلوقتي -

00:19:30

ازاي تطلعوا مجموعة من الشباب مدمرین اخلاقيا؟ على فكرة هم قاعدین برة بيتابعوا بس كده حاجة جميلة جدا حاجة جميلة جدا.  
احنا احنا نجحنا في كده. اه احنا نعمل واتس علشان مجموعة الدعاة يستغلوا عليه دعوة. ايه المشكلة؟ خلي فيه الف داعية في الامة  
شغالين -

00:19:50

دعوة على الفيس. بس بقى خلوا بقى باقي شباب الامة هي تصور نفسها وتبعتها لمين وهو يصور نفسه ويعتها لمين؟ صح. خلي بقى  
في شاب من الاثنين قربوا لهم الحرام لحد عندهم. دمروا سوء دمروا حسن الخلق اللي كان عندهم. ما هم قالوا كده كأس وغنية -

00:20:10

دمروهم باشغيلوهم في شهوائهم كأس وغنية يفعلان في الامة المحمدية ما لا يفعله الف مدفع ده ده هم اللي قالوه. وهم كانوا

يبيقولوا في بروتوكولات آآ يعني خبئاء صهيوني. ينبعي علينا ان نعمل على - 00:20:30

الاخلاق في كل مكان. احنا محتاجين ندمر الاخلاق في كل مكان. لأن الاخلاق دي اذا انهارت استطعنا ان نقول تبدى الجيش المنتصرين للدين. اللي هو انت علشان كده هم حريصين غاية الحرص على انهيار الاخلاق فينا. هم حريصين بالتمويل بتاعتهم ليه - 00:20:49  
لمنتج فاسد انه يعمل شوية افلام فاسدة هم مستعدين انهم ينفقوا على مخرجة ياخدوها يربوها هناك في اوروبا. ويجبوها بعد كده عشان تدمر هم مستعدين انهم النهاردة يجيبوا امير ولا ولی عهد ولا رئيس ولا مش عارف مين ولا ابن ملك ولا مين ياخدوه يربوه هناك على الفساد علشان - 00:21:13

من بكرة ابوهم اييوه يموت وهو يبجي بعد كده يتولى نشر الفساد في البلاد. هم مستعدين لده. لأنهم عارفين كوييس جدا ان انهيار معناه انهيار الامم ودوركم انت يا شباب. ودوركم انت يا شباب. كل واحد فيكم لازم يكون داعية الى الله بادبه قبل علمه - 00:21:36  
لازم تفهموا ده. كل واحد فيكم في بلد من البلاد لازم يكون شايل هم كده اسمه نشر الاخلاق والفضيلة بين الناس انا محتاج منكم ان كل واحد فيكم يا اخوانا. يرجع للاوضة بتاعتته في المدينة الجامعية او للبلد بتاعتته اللي جاي منها وجاي من سفر بعيد. انا عايزك يا ابني انت - 00:21:57

لحد امتى بتفضل سميم؟ لحد امتى هتفضل تسمع؟ يا ابني يبقى عنده كتاب للسنة مسلا زي صحيح الترغيب والترهيب وهات كتاب الادب او كتاب رياض الصالحين. وكتاب الادب من رياض الصالحين. وقم في المسجد افتح الكتاب كده اهو وقل يا ناس احنا هنقرأ - 00:22:17

مع بعض من كتاب الادب للامام النووي. قال النووي رحمه الله. قال رسول الله واشرح للناس حديث عن الادب اشرح للناس حديث عن الخلق النهاردة يا اخوانا بيشتروا قنوات بمئات الملايين علشان يدمروكم. ويدمروا اخوانكم ويدمروا اولادكم من بعدكم - 00:22:37

ان لم يكن لاهل الحق جنود ان لم يكن للحق جنود واهلي يدافعون عن هذا الحق. مين اللي هيتحرك مصر للحق الشباب اللي بيضيع منك مين اللي له يا اخوانا؟ مين اللي ينصحه؟ ومين اللي يذكره بالله سبحانه وتعالى؟ اقسم لكم بالله البلد الان مستعدة - 00:22:55  
لقبول اي شيء متعلق بالدين. لأنهم خلاص باقوا مرارة المعصية ومرارة الفساد اللي عايشين فيه. الشباب الان بيمر بمرحلة من وحال العلمية والفكرية غير طبيعية. انت اهل الحق. انت دعاة الحق. انت اللي لازم تعلموا الناس دين ربنا سبحانه وتعالى - 00:23:14  
لحد امتى هفضل قاعد سميم في الدرس؟ ولحد امتى اختنا اللي قاعدة معنا في الدرس؟ هتفضل قاعدة سميمه. بنشوف في الشوارع ام من امهاتنا منتقبة بنتها شبه عارية. بنتها. اصل الام خدت ان هي تيجي تسمع الدرس وتتمشي. عمرها ما فكرت في يوم من الايام ان هي تدعو بنتها او تذكر - 00:23:34

بنتها او تجيب بنتها الدرس في امهات شغالين في الدعوة اه في امهات شغالين. بس الواحد بيحزن. كتب بصور حلقات رمضان من ايد يومين ثلاثة. حد من اخواننا المصورين جايب معه حد من قرائيه شاب في اولى سانوي في مدرسة جاد الحق - 00:23:54  
ايه اللي في شارع بورسعيد فطبعا كالعادة ما يعيش من تحت ايدينا لازم نذكره بالله. فقعدت اهزر معه وادحک معه. فبقو له ها يا جميل انت في مدرستي؟ قال لي انا في اولى سانوي. ها في مدرسة ايه - 00:24:12

الف مدرسة جاد الحق قلت له جاد الحق وتعرف اسمه كامل؟ قال لي اه طبعا هو فضيلة الشيخ جاد الحق علي جاد الحق قلت له طيب مين هو بقى يا فضيلة الشيخ جاد الحق؟ قال لي ده اول مدير مسک المدرسة عندنا - 00:24:24

اخواننا الامر بشغ. الامر اه ممكن يسيير جوانا ان احنا نضحك! بس صدقونى الامر اسود مما نتخيل. الولد على ادب وخل طبعا ان اشهد له انه مؤدب وعلى خلق. بس احنا وصلنا للحالة دي. وصلنا ان الحالة النهاردة ان زمان كانت لو فيه بنت واقفة - 00:24:42  
مع ولد في الشارع وشافت شيخ معدى يستخبو. لا دلوقتي انت لو وهم واقفين قدام المسجد وطالع تكلمهم ايوا انت في ايه يعني؟ انت ما لك انت مدخلين انت مالك يعني احنا بنعمل ايه غلط! ده صاحبى في الدرس. اخواننا لازم يكون للحق دعاة. مش - 00:25:02  
حازم الداعية يقعد عشرين سنة يطلب عليهم بعد كده يتتحرك. انت لازم تتحرك. ابو بكر اتحرك وما عهوش شيء من القرآن. ابو ذر

اتحرك وما عهوش شيء من القرآن. الطفيلي ابن عمرو الدوسي - [00:25:22](#)  
تحرك وما عهوش شيء من القرآن. اتحركوا يا اخواننا اتحركوا وخليلكم دعاء للحق. يا جماعة ايه اللي هيكلفنا؟ هيكلفنا ايه؟ ان انا اطلع تليفوني كده اهو كده اهو وهاعمل بس مباشر بس - [00:25:32](#)

مبادر لكل اصحابي يا جماعة انا عامل بس مباشر اهو انا هشرح معكم كتاب الادمي كتاب رياض الصالحين. وكل يوم تقول للناس حديث الناس بس تسمع تسمع حديث عن في الادب وفي الخلق. هيكلفك ايه؟ هيكلفك باقة بخمسة وعشرين جنیه. ايه خمسة وعشرين جنیه! يا اخواننا هم بيدفعوا ملابسين علشان يفسدوكم - [00:25:46](#)

ايه المشكلة؟ لو كل واحد فينا اتعلم انه ازاي بيزل علشان يعيد الفضيلة مرة تانية للمجتمع. طيب استأذنكم عايزين ارياح شباب كمان التبرع بالدم. ربنا يجزيكم خير. اربعة كمان ان شاء الله. هم الخمسة خلصوا اربعة كمان. فاحنا محتاجين للحق فضيلة. محتاجين للحق والفضيلة دعاء - [00:26:06](#)

يدعون اليه الدعاء دول مش هيكونوا الا انتم اللي لازم تتحرکوا. كتاب زي رياض الصالحين في بيت كل حد فينا. بص في الفهرس هات كتاب الادب وكتاب المنهيات. وابداً اتكلم مع الناس في كتاب الادب - [00:26:26](#)

ده اللي احنا محتاجينه. محتاجين ان كل حد فينا يبقى انموذج من الادب. والله يا اخواننا موقف واحد من الادب والخلق ممكن يغير مساره امم مش افراد امم مش افراد. وده اللي احنا محتاجينه. ادبك وخلقك. النبي صلى الله عليه وسلم يقول ان اكثر ما - [00:26:41](#)

الناس به الجنة تقوى الله وحسن الخلق. اكتر حاجة تدخلك الجنة. ان تتقى الله وان تكون على خلقه. بل قال صلى الله عليه وسلم الحديث اللي جاي ده المهم جداً. وهيفرق معنا كتير جداً في دعوتنا للحق وللخيص - [00:27:01](#)

قال ابو هريرة سمعت النبي صلى الله عليه وسلم يقول ما عمل ابن ادم شيئاً افضل عند الله عز وجل من الصلاة وصلة ذات البين وخلق حسن. الانسان منا مش هيعمل عمل يقربه من ربنا زي التلاتة دول. الصلاة ده ادب مع الله سبحانه وتعالى - [00:27:21](#)

اصلاح ذات البين دي اخلاق بينا وبين بعض وخلق حسن بينا وبين بعض اخلاق برضو. نرجع بقى لمنزل قلة الادب بعد الجولة البسيطة دي السريعة دي في كلام النبي صلى الله عليه وسلم. نرجع فاقول فيه يا اخواننا عندنا اربع خصال ترفع العبد عند الله سبحانه وتعالى - [00:27:41](#)

لا متن الحديث يقول ابو هريرة رضي الله عنه سمعت النبي صلى الله عليه وسلم ما عمل ابن ادم شيئاً افضل منه. الصلاة اصلاح ذات البين. وخلق حسن علمائنا لماقرأوا الاحاديث واستبيّنوا الآيات اللي ربنا اتكلم عن الادب عنها عن الادب - [00:28:01](#)

او فيه عن الادب آآ استخلصوا التالي. الامام السري رحمة الله كان يقول تدبرت كتاب الله عز وجل من اوله الى اخره فوجدت الله عز وجل يقول في كتابه اربع خصال دي ترفع العبد. انا قرأت القرآن من اوله لآخره. فانا وجدت ان القرآن من اوله لآخره وربنا - [00:28:31](#)

بيقول لنا ان فيه اربع خصال دي ترفعك عند الله عز وجل. العلم والادب والامانة والعفة العلم والادب والامانة والعفة. طب لو قلنا العفة ترفع حد فين في القرآن يوسف عليه الصلاة والسلام هو من العفة على طول طلع على طول على الكرسي على طول. والامانة والادب - [00:29:01](#)

والعلم. وكان بعض السلف يقول من العبد الادب. ومن الله الكراهة. خليك انت من العبد انت عليك انك تتحرک فيه مسألة الادب. واما الله سبحانه وتعالى فلا يعطيك الا الكراهة. سبحانه وتعالى. وكان ابو الخير - [00:29:31](#)

الزاہد رحمة الله ويقول ما وصل العباد الى الله الا بثلاث. الانسان ابدا الى الله سبحانه وتعالى الا بتلات حاجات بمعانقة الادب. واداء الفرائض وصحبة الصالحين. تلات حاجات. تصل بها الى الله سبحانه وتعالى - [00:29:51](#)

يقول ابن القيم رحمة الله والادب هو الدين كله. الادب هو الدين كله. وقال ان الادب تلات سور. النوع الاول هو الادب مع الله. والثاني هو الادب مع رسول الله. والثالث هو الادب مع الناس. وبدأ يتكلّم مع - [00:30:11](#)

عن الادب مع الله. فقال واما الادب مع الله بصوّا بقى ايه آآ ذوق الانسان اللي عنده ادب في تعامله مع ربها سبحانه وتعالى. قال اما

ان الله سبحانه وتعالى اوفى ان النبي صلى الله عليه وسلم نهى المصلحي ان يرفع بصره الى السماء ادبا مع الله وانت بتصلني يجوز ان انا وانا بصلني عمال التفت يمين وشمال كده وابص لفوق ليه؟ ربنا بيقول عن - 00:30:51

النبي صلى الله عليه وسلم وادب النبي صلى الله عليه وسلم في الاسراء والمعراج ما زاغ البصر ايه؟ اه يعني انت لما تكون جاي بتكلمني فانت مقبل علي عينك في عيني بتكلمني. انما تخيل في يوم من الايام انا بكلمك وانت عمال تبص في السما. ده اسمه ايه؟ سوء ادب. تخيل في يوم من الايام اب بيتكلم - 00:31:11

ابنه وابنه ماسك التليفون عمال يتكلم فيه او بيلعب عليه. ايه الوضع؟ سوء ادب. فابن القيم بيقول احنا نهينا عن الالتفات في الصلاة ان ده من سوء اللادب مع الله. كيف يقبل الله عز وجل على عبد بوجهه والعبد ملتفت عنه؟ حديث النبي صلى الله عليه وسلم ان العبد اذا - 00:31:31

هو ما يصلني اقبل الله بوجهه على عبده يناجيه. تخيل! وانا عايز الحديث ده عايزين نطبقه واحنا النهاردة في صلاة العشاء. ان العبد لما بيقوم يصلني يقبل الله تبارك وتعالى عليك بوجهه يناجيك - 00:31:51

ما لم يلتفت اذا التفت اللادب عنك. فليهنبي ينهانا عن الالتفات؟ اللي ده سوء ادب لذا قالت عائشة كان النبي صلى الله عليه وسلم اذا صلي طاطأ رأسه يعني ايه طاطأ رأسه مش طقطتها فرقعها. لا طاطأ يعني ايه - 00:32:06

نزلها كده ده ذل ده ادب بين ايدين ربنا. طاطأ رأسه ورمي بيصره في موضع سجوده. ادب مع الله سبحانه وتعالى ادب مع الله سبحانه وتعالى. النبي صلى الله عليه وسلم كما يقول بالال دخل النبي فصلبي في جوف الكعبة - 00:32:25

والله ما خالف بصره موضع سجوده من اول ما النبي بدأ الصلاة عامل كده اهو له ادب مع الله وكان ابو هريرة رضي الله عنه يقول الا ترى من ادبه صلى الله عليه وسلم بين يدي الله ان يضع يمينه على يساره على صدره - 00:32:47

ويطأطأ رأسه ادب بين ايدين ربنا. ادب بين ايدين ربنا. بل وامرنا الله تبارك وتعالى باخذ عند القيام بين يديه. وانت قائم تصلي انت مش بتستر عورتك. ربنا ما قلناش استروا عوراتكم وانتم قائمين تصلوا. ولكن قال خذوا - 00:33:07

على سؤاله ولكن قال له - 00:33:27

الله احق من تزين له واحد يجي يقول لي يا شيخ ايه رأيك اصلبي بالفانلة الحمالات ايه رأيك؟ ايه رأيك؟ النهاردة هنقدر نفهم فقه ازاى باللادب مع الله ايه رأيك ان انا اصلبي واكتافي مكشوفة؟ هاقول لك سؤال. طب وايه رأي سيادتك انك تروح امتحان الشفوبي في ستة طب وتخشن على الدكتور بفانلة حمالات - 00:33:37

هي عمل معك ايه؟ هو هيفهمها ازاي؟ الله احق من تزين له. قال شيخ الاسلام ابن تيمية ولذا شوفوا يا اخوانا ولذا نهانا النبي ان نقرأ القرآن ونحن في ركوع او سجود. يجوز ان انا اقرأ القرآن - 00:34:07

راكع او ساجد يجوز ان انا اقرأ القرآن راكع او ساجد يجوز ليه بقى؟ فابن القيم وابن الشيخ الاسلام ابن تيمية رحمهما الله بيقول لك ايه ؟ لأن القرآن كلام الله - 00:34:27

وكلام الله من الله واما الركوع والسجود فهو موضع ذلل للعبد فلا ينبغي ان يأتي كلام خرج من رب العزة ليقال في موطن الذلة ادب. ادب مع الله سبحانه وتعالى - 00:34:44

امرنا ولذا امرنا اذا قمنا الى الصلاة ان نتوضاً. ليه نتوضاً واحنا قائمين نصلبي بين ايدين ربنا؟ ادب مع الله مع الله يا اخوانى له ابواب كثيرة جدا. نعد مع بعض كده الله يحفزكم. فمن اللادب مع الله طاعتة - 00:35:01

اول حاجة في اللادب مع الله. انك تطيعه. زي ما احنا شايفين ان اللادب مع الاب والام لو قالوا كلمة. نقول حاضر. فلله المثل الاعلى قال الله وهو يوضح افضل سورة من سور اللادب مع الله. طلبة العلم اللي بيخطبوا سجل معي عشان دي الخطبة الجایة بتاعتك. اول شيء من سور - 00:35:21

الادب مع الله وهو اعظم صور الادب مع الله. طاعة الله في كل ما امر والابتعاد عن كل شيء نهى عنه وزجر. قال الله وما كان المؤمن  
ولا مؤمنة اذا قضى الله ورسوله امرا ان يكون - 00:35:41

لهم الايه؟ الخيرة منهم. ربنا امر بشيء فوق دماغي من فوق ادب مع الله. لان ده الادب. عمرك شفت في يوم من الايام دكتور بيطلب  
من طالب شيء قال له ما نيش عامل - 00:35:57

اصل انت يا دكتور ما انتاش عارف احنا اللي عارفين. اصل انت يا دكتور قديم اوبي. احنا الجيل الجديد اللي فاهم وعارف لو حد قام  
عمل كده بيتفقال عليه ايه؟ ايه قلة الادب دي؟ يا اخواننا ما ينفعش نعمل مع ربنا نقول اصل تعاليم ربنا بتاع - 00:36:12  
زمان ده سوء ادب مع ربنا. سوء ادب مع الله لما قال بي وما ارسلناك الا رحمة للایه؟ للعالمين. للعالمين ان مكانا وزمانا. فلما تقول  
ان اللي ربنا قال عليه انه هيبقى للعالمين زمانا. مم اللي في كانوا في زمن النبي واللي بعد كده. وتقول ربنا لم - 00:36:29  
احسن التشريع دي مصيبة. سوء ادب مع الله. واحد من حسن الادب مع الله طاعة الله في كل ما امر. اتنين شكر الله على نعمه. ده من  
الادب. تخيل في يوم من الايام الان انا جبت عم عبدالله وربنا يكرمنك انا ما شفتش حد حريص على  
المسجد زي وقادم الناس بقى كلها وقمت قايل له ايه - 00:36:49

عم عبدالله احنا جايبيين لك هدية الهدية لك. آلا والله ما باخدش هدية من حد. لا يا عم عبدالله مات ليه كده؟ فيه ناس مع نعم الله  
سبحانه وتعالى بتزد كده. او بتاخذ النعم تخيل في يوم من الايام انا - 00:37:19

طب تعالوا نعكس المثال. عم عبدالله هو اللي بيقول لي. عم عبدالله راجل محترم ودين. عم عبدالله في يوم من الايام بيقول لي  
انتهت جدا في المسجد. فالناس هنا جايبيين لك هدية - 00:37:39

قمت واحد ايديا من ايديهم وانت ماشي. حتى ما قلتلوش ايه والناس بقى كلها واقفة فمنتظر ان انا اقول لهم ايه يا جماعة والله كتر  
خيركم وجزاكم الله خيرا ومش عارف اقول لكم ايه - 00:37:50  
بس يا جماعة ده واجبي وفرض علي قمت واحد الحاجة وقمت ماشي. فالناس عمالين يبصوا ايه ده لا يا جماعة احنا مش كده. في  
كثير من الاوقات ده حالنا مع ربنا - 00:38:00

ادانا النعمة ومشينا. او بعض الناس بقى ادى لهم النعمة سخرواها في معصيته. والله يا اخوانا حق كل انسان في يوم من الايام قام  
الصبح وبيعمل كده فاديته جت على عينه وعلى مناخيه وعلى بقه وعلى ودانه كده نقول اللهم لك الحمد النعم دي كلها اللهم لك -  
00:38:16

حق لكل انسان منا في يوم من الايام ماشي في الشارع قدام مستشفى لقى مريض شايل القسطرة بتاعته فيها دم او فيها اعزكم الله  
نقول يا اللهم لك الحمد. حق لكل انسان منكم. والله يا اخوانا بات ليه لو هو مرتاح ما فيش عنده مرض - 00:38:36  
يحمد ربنا. تلاقي خراج صغير قد كده طلع في سنانك. وعامل لك مشاكل وعامل لك تعب يعني ما انتاش عارف تنام الليل. تقول ياه  
شفكم ضرس عدى علي السنين اللي فاتت دي كلها ما كانش فيه حاجة؟ انا في نعمة من الله. والله يا اخوانا - 00:38:56  
احنا ربنا عمال يدينا نعم خالي اسأل الله ان يرحمه رحمة واسعة واسأل الله ان يتقبله شهيدا عنده. مات مبطوم. آجا له قنصة في  
الامعاء الامعاء مسدودة الغدة السرطانية قفلت الامعاء. فباتالي الطعام والشراب بييجي ينزل من المعدة. عايز ينزل من - 00:39:14  
المخرج الطبيعي بتاعه فيلاقي الغدة السرطانية ايه ها؟ قافلة سدة. فيا عيني دي والله يا اخوانا يقول لي يا ابني نفسي اخش الحمام  
والله يا اخوانا والله انا لا انسى ابدا انسى كلمته والله عمري ما انساها - 00:39:37

يقول لي يا ابني انا نفسي اخش الحمام. عارفين علشان يخش الحمام يتعمل له ايه؟ ربنا يا رب يعافيكم يا رب. يتعمل له وفتحة في  
جنبه من هنا كده علشان يخرج منها الحمام. ويحطوا له حزام على بطنه. بكيس بلاستيك من جلد كده. يتحط هنا - 00:39:54  
يخرج منه وربنا يعافيكم وعلشان المكان خارج من المكان غير المكان الطبيعي بيبقى طالع بريحة سيئة للغاية بيقول له يا ابني انا  
مع كل مرة باكره نفسي فكتت لاول مرة في حياتي اعرف قيمة ان انا اخش الحمام. والله العظيم نعمة ما بعدها نعمة - 00:40:16  
احنا مش واحدين بالنا منها اخونا الشيخ محمد الحليم اسأل الله ان يشفيه وان يعافيشه وان يصرف عنهسوء. لما تعب شوية

بموضوع الكلى والكلام وتشوف يا عيني وشه اسود! اتاري المفترض ان الكلى بتغسل السموم اللي موجودة في دم الانسان فالكلى

تعبة - 00:40:38

عطلانة ما بتشلش السموم بكلمه من قيمة كم يوم ها هتعمل ايه في رمضان وعايزينك معنا؟ قال لي يا شيخ انا بغسل دلو قتي بروح تلات ايام والله العظيم برجع ميت مش قادر مش شايف - 00:41:01

دمي. خلاص انت عاشر ان كل تلات تيام في الاسبوع يوم ويوم لازم يغسل ويرجع يا عيني بيقول والله العزيم انا برجع جسمي  
يرتعش. انت كل يوم الكلى بتاعتك بتغسلكم مرة؟ فقلت سبحان الله! كان معنا واحد شغال معنا في المسجد ما بيعرفش يتنفس - 00:41:14

الا على جهاز السبايك. جهاز صغير كده هو خلاص العضلات بتاعة الشعب الهوائية عشان تفتح وتقفل عشان تستقبل هو حصل فيها  
مش عارف ارتخاء ولا ضمور ولا ايه كده. فمش قادر ياخذ نفسه - 00:41:34

مش قادر ياخذ نفسه. لك ان تخيل ان في وقت زي ده هو في وقت زي ده لازم يحط جهاز كده هو علشان يدخل الهوا بدفع معين  
بقوة ومعينة علشان بيعرف يتنفس انت بتعرف تنفس. انت بتعرف تنفس. والله يا اخواننا والله من - 00:41:49

حسن الادب مع الله الا ترى نعمة من الله عز وجل بها عليك الا وانت تعترف لله بتقصيرك عن شكرها. يا رب انا مش قادر اشكرك على  
النعمة اللي انت اديتهاي. اي نعمة يا اخواننا - 00:42:09

ازاي نشكر اصلا ان انت هنا في المسجد؟ مش برة في قهوة ولا في خماره ولا مع بنت في حته هنا ولا هنا. نعمة ان ربنا من عليك  
بالهدایة اي نعمة ازاي هنشكرها اصلا النعمة دي؟ ازاي نشكر النعمة دي؟ سبحانه وتعالى. فمن الادم مع الله. علشان كده شرع النبي - 00:42:26

صلى الله عليه وسلم. النبي كان في كل موطن على لسانه كلمة الحمد لله. كان النبي اذا اتاه الامر يسره قال الحمد لله الذي بنعمته تم  
الصالحات. واذا اتاه الامر يسوء قال الحمد لله على كل حال. كان اذا اكل حمد واذا شرب - 00:42:46

حامد واذا قام من النوم حمد بل كان صلى الله عليه وسلم اذا انهى صلاته حمد. للمستشعر ان انا صليت بنعمة كبيرة جدا دي نعمة  
كبيرة جدا. فكان من الاذكار اللي بعد الصلاة انك تحمد ربنا ثلاثة وتلاتين مرة. تحمد الله عز وجل. ده من الادب مع - 00:43:06

ربنا سبحانه وتعالى ربنا من عليك بالزرية ومن عليك باولاد كل يوم بيعدى عليك واولادك في قمة السعادة والفرحة بيتحركوا حوليك  
دي نعمة محتاجة لشكر دي نعمة محتاجة لشكر. والله يا اخوانى الهدایة الهدایة هي من اجل نعم الله عز وجل - 00:43:26

قال العبد انك تعرف بالليل يعني حد من اخواننا يعني اخونا محمد مسلم اسأل الله ان يشفيه وان يعافيه وان عنه السوء والمكره  
اللهامين. اخونا محمد حد من اخواننا الاحباب برضو الشاغلين في الميديا والتتصوير والмонтаж اخونا محمد - 00:43:46

شوية تعب. شو التعب؟ والدكتارة بيقولوا له اشتياه يكون فيه قنطر. فتخيل بقى انسان قاعد في بيته منتظر تحاليل تاني يوم تبين  
فيه ولا ما فيش. تخيل الليلة دي هتعدى عليه ازاي - 00:44:06

ما بين الخوف والاضطراب والقلق اخواننا احنا بنتقلب في نعم الله من حسن الادب مع الله سبحانه وتعالى ان تحمد الله على كل نعمة  
يحدثها الله سبحانه وتعالى لك. بل اسمعوها مني يا اخواننا - 00:44:26

اسمعوها مني ودي حاجة من الحاجات اللي اتعلمتها من مشايخنا ربنا يا رب بيارك فيهم. احد مشايخنا كان يقول اللهم لك الحمد على  
كل نعمة عرفتها او لم اعرفها. فانا كنت مستغرب او هي ايه النعم التي لم اعرفها؟ قال لي - 00:44:46

يا ابني انت جوة في جسمك مليون حاجة ممكن تسبب لك ضرر؟ وربنا دفع ده عنك. فانا لازم احمده على اللي اعرفه على اللي ايه؟  
اتعلموا المعنى ده لانه معنى جديد جدا. اللهم لك الحمد على كل نعمة ايه - 00:45:06

اعرفها او لا اعرفها. فاللهم لك الحمد. فمن الادب مع الله ان نحمد الله تبارك وتعالى على كل نعمة اعطها لنا. نرفع الاذان ونكمel طيب  
السلام عليكم ورحمة الله وبركاته. بسم الله والحمد لله والصلوة والسلام على رسول الله صلى الله عليه وسلم وبعد. ايه؟ اه تسلم - 00:45:20

في اول ادب من الاداب التي ينبغي علينا ان نتوجه بها الى ربنا عز وجل واحد. سامع اه. سامي؟ هم. اول ادب من الاداب التي ينبغي علينا ان نوجهها الى ربنا واحد الطاعة. اثنين شكر الله سبحانه - 00:45:40

وتعالى على نعمه التي عرفناها والتي ثلاثة. حسن المراقبة. ثالث ادب ينبغي علينا وده بقى هو يعني رمانة الميزان ركز فيه شوية. الامام الثوري رحمة الله وهو بيتكلم معنا على مسألة - 00:46:00

ان من الادب مع الله يعني الا تشوّب العلاقة بينك وبين ربنا عز وجل بمعصية. فالامام الثوري حب يربى التلامذة فقال لهم كلمة عايزكم تفهموها كوييس. قال الثوري رحمة الله لو كنتم تعلمون - 00:46:20

ان معكم من ينقل حديثكم الى امن الدولة. اكتنتم تتكلمون بشيء آلا كده ولا كده؟ ها ربنا بيارك فيهم. لا طبعا. ايه يا عم عبدالله؟ فقالوا لا فقال لو كنتم تعلمون. تعالوا نرجع بقى للكلام السوري ثاني. لو كنتم تعلمون ان معكم من يرفع حديثكم الى السلطان - 00:46:40

كنتم تتكلمون بسوء؟ قالوا لا. قال فاعلموا ان معكم من يرفع امركم الى الله سبحانه وتعالى. نعم. حسن الادب مع الله سبحانه وتعالى ان تعلم انك في كل موقف الله مطلع عليك. ومن حسن الادب مع الله الا يراك الله حيث - 00:47:10

خلوت بمعصية الله سبحانه وتعالى. لذا كان صلى الله عليه وسلم يقول فيك ان تستحيي من الله كما تستحيي من الرجل الصالح من قومك. لو كان في حد هيبة - 00:47:30

كانوا علم ودين وخلق. ممكن قدامه تكذب؟ ممكن قدامه تفتتاب؟ ممكن قدامه تعمل مشكلة مع والدتك؟ تخاف او بلاش تخاف

تستحيي. فالنبي صلى الله عليه وسلم جزاكم الله خيرا. فالنبي صلى الله عليه وسلم قال اوصيك ان تستحيي من الله - 00:47:50

كما تستحيي من الرجل الصالح من قومك. وفي الحديث ان النبي صلى الله عليه وسلم بيسأله يا رسول الله عوراتنا ما بيبدو منها وما يظهر. ايه نكتمه وايه اللي يظهر؟ فقال ان استطعت الا يرى عورتك احد فافعل. الا زوج - 00:48:09

او ما ملكت يمينك. قلت يا رسول الله احنا رجال في بعض يعني احنا في المدينة الجامعية واحنا رجال في بعض. فعادي نقلع يعني فقال النبي صلى الله عليه وسلم ان استطعت الا يرها احد فافعل. وانا مع الناس. فقال يا رسول الله - 00:48:27

فالرجل يكون وحده فقال صلى الله عليه وسلم فالله احق ان يستحيي منه. فالله احق ان يستحيي منه وان كان الانسان لما بيدخل الخلاء او كان بيغتسل العورة بتظاهر. ولكن النبي هنا في الحديث - 00:48:48

يؤكد خلي دايما عينك ان ربنا يراك. خلي دايما وجهتك ان ربنا مطلع عليك. سبحان الله! ادب يا اخواننا ادب. ادب اللي النبي كان

بيعلمه لنا صلى الله عليه وسلم. فالادب الثالث مع ربنا سبحانه وتعالى يا اخواننا ان الانسان منا يصون علاقته التي تربط - 00:49:08

هو بين رباه عز وجل من ان تشبهه بمعصية. الانسان منا وهو قاعد على الكمبيوتر بتاعه الله احق ان يستحيي منه. خدوا الحديث ده خطوه قدامكم يا اخوانا وانت قاعد لوحدك في اوپتنك الله احق من يستحيي منه. يا اخوانا وانت ماشي في الشارع الله احق من

يستحيي منه. مسكت - 00:49:28

هتتعمل به حاجة الله احق ان يستحيي منه. تعاملك مع والدك ووالدتك الله احق من يستحيي منه. تعاملك في الشغل بتاعك مع الناس الله اح من يستحيي منه لو اطبق المعنى ده في حياتنا وتعاملنا مع ربنا بالادب ده يفرق معنا كثير جدا. الادب الرابع وهو الرضا بقضاء الله - 00:49:48

وان كان شر من وجهة نظرك. عايزين اربعة كمان للتبرع بالدم ربنا يحفزكم. يلا. الادب الرابع مع الله ان يرضي الانسان منا عن قضاء الله. ربنا عز وجل ابتلاك في احب الناس اليك. فاعلم يقينا ان حسن الادب مع الله - 00:50:08

ان ترضي عن الله عز وجل. وان تعلم يقينا ان هذا البلاء وهذا الضر وهذا المكرور هو الخير الذي ساقه الله اليك وهي النعمة العظمى التي لا تراها على حقيقتها الا اذا انكشف الغطاء. يوم ما ينكشف الغطاء عنك وتري ما اعطيه - 00:50:28

الله لك على هذا البلاء تعرف قد ايه ربنا كان بيحبك لما ابتلاك بهذا البلاء. لربما ابتليت في بلاء في اعز الناس وفي احب الناس بس ولكن والله يا ابني والله يا ابني هذا هو الخير. يعني من اعجب ما جاءني من الوراق بتاعتكم. من اعجب - 00:50:48

ما جاءني من الوراق بتاعتكم. بنت من البنات هي ما شاء الله من من من اخواتنا دلوقتني. ربنا يا رب يحفظها وبارك فيها. تقول لي

انا آآ بعيد شوية عن الدين. فانا كنت بكره اصلا الملحين والمنتقبات بكرههم كده اصلا. آآ كنت بنعرفها على ولد وبحبه حب -

00:51:08

ما بعد حب؟ احنا ايه علاقات وخروج ومش عارف ايه والكلام دون وانا حاسة ان هو بيلعب بي وان هو مش عارف بيعمل ايه وبيعمل ايه واصحاته يقولوا ايه ده شفناه ماشي مع فلانة وفلانة فسبحان الله لحد ما جه في وقت من الاوقيات -  
جرحني بأسوء الكلمات وتعامل معي اسوأ الأفعال. كنا في مطعم رفع ايديه وضربني بالقلم قدام الناس وسابني ومشى. قال لي انت قالت لي مش متخيل الوضع اللي انا فيه. رجعت رجعت البيت. وانا عمال اقول لو كان للكون ده الله هو سب -  
ليه اتألم كده لو كان في الله فعلا هو انا بتألم كده ليه لسبع اعتذب كده. لسابني اتهان كده. انتم عارفين بقى دماغ الشباب النهاردة مع اول بلاء كالعادة السؤال فسبحان الله يا اخواننا ولكن -  
00:52:03

يشاء الله سبحانه وتعالى بعد يومين ثلاثة لما هدت كده وبدأت تفك وعلمت ان المشكلة اصلا كانت عندها وتقول ربنا سق لي بنت كده من البنات. تقول لي سبحان الله! قال هات لها الكلمة بقى الجميلة. ان ربنا سبحانه وتعالى قدر وكتب ان كل قلب -  
00:52:21

من تعلق بشيء سوى الله عذب به. هي بتحب ولد يعني بتموت فيه ربنا يعذبها من قبيل الولد ده. حبت حاجة معينة وقلبها تتصلق  
بحاجة معينة تقع في الحرام طبعا. العذاب يكون بين الجهة دي -  
00:52:39

تقول سبحان الله وبشاء الله ان البلاء ده ييجي علشان التزم وابدا احفز قرآن واقرب من ربنا سبحانه وتعالى اخواننا ما فيش بلاء ربنا  
بيبتليك به الا وراه كمية خير غير طبيعية -  
00:52:57

البلاء ده احنا دايما بنبقى عاملين فيه زي مثال اللي دايما بقوله لكم. زي الابن لدرجة حرارته وصلت اربعين. ولازم ياخد حقن دلوقتني  
مضاد حيوى وخافض حرارة ومش عارف ايه. والولد ابوه يشيله كده ويروح به الصيدلية. وتلاقي الدكتور بيدي له حقنة قد كده  
ويبرزع في الولد -  
00:53:11

والولد طفل الصغير ما هو مش فاهم الطفل الصغير ده عمال يقول لابوه ليه بتعمل فيها كده ؟ انت مش بتحبني. لو بتحبني ما خدش  
الحقنة. انت مش عارف ايه. انا مش بحبك. انا بكرهك انا -  
00:53:31

صح ولكن الولد ده بكرة لما بيكر ويبيقى عنده ابن وربنا ادى له من العلم والحكمة يعرف كوييس جدا ان الحقنة اللي خدها وهو صغير  
وابوه شايله كده وبياخد الحقنة وهو صغير ابوه -  
00:53:44

كتفه كده يعرف ان الحقنة دي كانت هي الايه؟ هي الخير الحقيقي له. اللادب مع الله ان ربنا سبحانه وتعالى اذا بلاء انك على طول لا  
تفعل الا ان تقول كما قال الله انا لله وانا اليه راجعون. سيدة -  
00:53:59

ام حبيبة زوجة النبي صلى الله عليه وسلم في في تهاجر بدينها الى الحبشة. وهي في الحبشة طبعا مهاجرة هي وزوجها. تحملوا  
العناء والسفر والتعب. كل ده علشان الدين. ويوصلوا الى الحبشة. ويبدأوا خلاص. اخيرا -  
00:54:19

اعبد ربنا وتفاجئ ان زوجها امام الشبهات يترك الاسلام ويتنصر. اي بلاء بتمر به السيدة ام حبيبة رضي الله اي بلاء ده هي بنت العز  
وبنت الحسب وبنت النسب اي بلاء تمر به لما تخرج وحيدة فقيرة لا مال ولا تملك من الدنيا الا الزوج. ثم تبتلى في هذا الزوج. ام  
حبيبة -  
00:54:39

انا لله وانا اليه راجعون. لا ده انت ربنا عاين لك حاجة تانية كبيرة جدا. والنبي صلى الله عليه وسلم لما يعلم بالباء اللي وقعت فيه ام  
حبيبة رضي الله -  
00:55:04

الله عنها بيعت النبي صلى الله عليه وسلم يطلب الزوج من ام حبيبة. وربنا يخلفها بزوجها بمين؟ عن زوجها بالنبي صلى الله عليه  
 وسلم. اخواننا البلاء ده نعمة بس المشكلة عندنا ان احنا لسة فيه غطاء على عيوننا احنا مش شايفين. والله يا اخواننا -  
00:55:14  
احنا مش شايفين ولو رفع عنا هذا الحجاب لرأينا بحق ان البلاء ده هو الخير اللي ربنا سبحانه وتعالى ساقه اليك. ومن اللادب مع الله  
سبحانه وتعالى تعظيم شعائره. انك تعظم شعائر الله سبحانه وتعالى. تعظيم -  
00:55:34

الشعار ومعنى تعظيم الشعائر معنيين. ان تأتي بها على احسن الوجوه. الله لما قال ذلك ومن يعظم شعائر الطيف انها ايه؟ كان ابن عباس يقول الشعائر هنا دي الايات دي نازلة في سورة الحج وهي بتتكلم على الحج ومناسك الحج. فمعنى الشعائر هنا انك لما تيجي تدب - [00:55:54](#)

بتاعك ما تدورش على اي حاجة آآدابة تعبانة عندك كدا خروف ولا حاجة تعبان مريض هزيل انك تجيب اي حاجة تعبانة وتقول اهو خلاص تعظيم الشعائر قال ابن عباس ان تبحث عن اسمها واعظمها وانفتها. اعظم حاجة عندك وانفس حاجة عندك واكبر - [00:56:14](#)

دي اللي قربها لربنا فتعظيم الشعائر لما لما تيجي تبذل شيء لله انك تدور على ايه احسن الاشياء واكمـل الاشياء. تعظيم الشعائر واسأل الله ان يتتجاوز عن تقديرنا من تعظيم الشعائر تسمع الله اكبر كل - [00:56:35](#)

حاجة في ايدك تتساب. تعظيم الشعائر انك لما تيجي تعمل حاجة تعلمـها لله على اكمـل الوجوه ضمن الادب مع الله سبحانه وتعالى. آآعايزين اربعة يا اخوانا للتبرع بالدم. اربعة كمان الله يحفـركم. يلا. من تعظيم الشعائر - [00:56:54](#)

من تعظيم الشعائر او من تعظيم الله سبحانه وتعالى هو الا خدوا بالكم من الكلام اللي جاي لانه مهم جدا. قال ان تصنون معاملتك مع الله من ان يشوبها التفاتـ لغير الله عز وجل. من الادب مع الله انك لما تيجي تعمل العمل تعلمـه لمين؟ بس - [00:57:14](#)

قلبك لا يلتفـت لاحـد اخر. قلبك لا يلتفـت الى شيء اخر. هو لله بـس سبحانه وتعالى. من الادب مع الله. واحد طاعة الله. اتنين شكر النعمة. ثلاثة حسن المراقبة. اربـعة الرضا بـقضائه خـمسة. تعظيم شعـائره - [00:57:39](#)

ستة صيانة المعاملة ان يلتفـت قلبك لغيرـ الـاـيه؟ لـغـيرـ اللهـ. دـولـ ستـ حاجـاتـ ياـ اـخـوـانـاـ. الـدـرـوسـ الـادـبـ معـ النـبـيـ صـلـىـ اللـهـ عـلـيـهـ وـسـلـمـ. وـهـتـجـدـهـ فـيـ الدـرـسـ دـهـ مـنـ الرـقـةـ. اـحـنـاـ وـالـلـهـ يـاـ اـخـوـانـاـ يـعـنـيـ سـبـحـانـ اللـهـ هـوـ كـانـ جـاهـزـ - [00:57:59](#)

لـلـاسـفـ الـوقـتـ كـالـعـادـةـ بـيـبـيـجيـ بـسـرـعـةـ. وـلـكـنـ وـالـلـهـ يـاـ اـخـوـانـاـ مـنـ اـرـقـ الدـرـوسـ الـلـيـ مـمـكـنـ تـسـمـعـهـ فـيـ حـيـاتـكـ. لـمـ هـنـجـيـبـ كـدـهـ هـدـيـ السـلـفـ وـالـصـحـابـةـ وـالـتـابـعـينـ وـاتـبـاعـ التـابـعـينـ وـعـلـمـائـنـاـ الـمـعـاـصـرـينـ. اـزـايـ عـنـدـهـمـ اـدـبـ وـرـقـةـ فـيـ التـعـامـلـ مـعـ النـبـيـ صـلـىـ اللـهـ عـلـيـهـ وـسـلـمـ؟ حـيـاتـنـاـ كـلـهـ هـنـتـغـيـرـ - [00:58:19](#)

معـ النـبـيـ صـلـىـ اللـهـ عـلـيـهـ وـسـلـمـ الـدـرـسـ جـايـ لـمـ نـتـعـرـفـ عـلـىـ مـسـأـلـةـ الـادـبـ مـعـ اللـهـ سـبـحـانـهـ وـتـعـالـىـ سـرـيـعـاـ اـحـاـوـلـ اـخـدـ الـاسـئـلـةـ بـتـاعـتـكـمـ. طـيـبـ لـوـ فـيـ حدـ مـنـ صـحـتـهـ كـوـيـسـةـ. صـحـتـهـ كـوـيـسـةـ. عـشـانـ مـاـ تـعـمـلـنـاـشـ مشـكـلـةـ زـيـ الـمـرـةـ الـلـيـ فـاتـتـ. صـحـتـهـمـ كـوـيـسـةـ. تـكـوـنـ مـاـ شـاءـ اللـهـ بـسـ يـاـ عـمـ عـبـدـ اللـهـ وـرـبـنـاـ بـيـارـكـ. آآ - [00:58:39](#)

الـلـيـ مـاـ شـاءـ اللـهـ يـعـنـيـ مـاـ شـاءـ اللـهـ كـوـيـسـةـ وـمـاـ بـتـاخـدـشـ اـدوـيـةـ اوـ عـنـدـهـ حاجـةـ. وـقـادـرـهـ انـ هـيـ تـتـبـرـعـ بـالـدـمـ مـمـكـنـ انـ شـاءـ اللـهـ تـتـبـرـعـ بـالـدـمـ. ماـشـيـ. اـنـاـ عـارـفـ يـاـ عـمـ عـبـدـ اللـهـ دـهـ هـيـوـدـيـنـاـ فـيـ اـنـ شـاءـ اللـهـ - [00:58:59](#)

طـيـبـ تـعـالـوـاـ نـشـوـفـ بـسـ بـعـضـ الـاسـئـلـةـ بـتـاعـتـكـمـ سـرـيـعـاـ كـدـهـ. هلـ يـجـوـزـ الـحـجـ بـمـاـ فـوـائـدـ الـبـنـوـكـ؟ لـاـ يـجـوـزـ. لـاـ فـوـائـدـ الـبـنـوـكـ رـبـاـ حـرـامـ لـاـ يـجـوـزـ آآـ يـعـنـيـ الـاـنـسـانـ يـحـجـ بـهـ. وـلـاـ يـجـوـزـ اـصـلـاـ اـنـ يـنـتـفـعـ بـهـ. بلـ يـخـرـجـهـ اـلـىـ الـفـقـرـاءـ وـالـمـسـاكـينـ. وـالـنـبـيـ يـقـولـ اـنـ اللـهـ طـيـبـ وـلـاـ يـقـبـلـ آـلـاـ - [00:59:09](#)

اـلـاـ طـيـباـ. هـلـ حـجـ النـبـيـ مـفـرـداـ اوـ مـتـمـتـعاـ اوـ قـرـنـاـ؟ النـبـيـ صـلـىـ اللـهـ عـلـيـهـ وـسـلـمـ حـجـ قـارـنـاـ. النـبـيـ حـجـ قـارـنـاـ. وـاـمـرـ وـاصـحـابـهـ اـنـ يـحـجـواـ مـتـمـتـعـينـ. الـقـعـدـةـ عـلـىـ القـهـوةـ حـلـالـ وـلـاـ حـرـامـ؟ اـرـىـ وـالـلـهـ اـعـلـمـ اـنـ الـقـعـدـةـ عـلـيـهـ حـرـامـ. لـاـ كـثـرـةـ - [00:59:29](#)

اـلـاـخـطـاءـ وـالـشـتـایـمـ وـسـوـءـ الـخـلـقـ وـالـشـیـشـةـ وـالـکـلـامـ دـهـ. اـهـ لـاـنـ کـلـ دـهـ اـصـلـاـ اـشـیـاءـ لـاـ تـرـضـيـ اللـهـ سـبـحـانـهـ وـتـعـالـىـ. وـلـوـ سـأـلـتـ حـدـ بـسـ يـاـ جـدـعـ اـنـتـمـ وـلـوـ سـأـلـتـ حـدـ تـحـبـ تـمـوـتـ عـلـىـ القـهـوةـ هـيـقـولـ لـكـ اـيـهـ؟ آآـ خـلـیـتـ الـمـسـجـدـ اـحـسـنـ. آآـ بـعـضـ النـاسـ بـيـقـولـواـ - [00:59:49](#)

اـنـ عـنـدـ الدـفـنـ الـمـيـتـ مـاـ يـنـفـعـشـ نـزـورـ مـيـتـ تـانـيـ. عـلـشـانـ دـهـ بـيـجـدـدـ عـلـيـهـ الـحـسـابـ. هـلـ هـذـاـ صـحـيـحـ؟ هـذـاـ غـيرـ صـحـيـحـ. وـاـنـاـ عـاـيـزـ اـنـصـحـكـمـ النـصـيـحةـ. اـيـ اـمـرـ مـتـعـلـقـ بـالـمـوـتـ مـتـعـلـقـ بـالـقـبـورـ يـاـ اـخـوـانـاـ لـاـ يـقـبـلـ مـنـ کـلـامـ النـاسـ اـلـاـ اـذـاـ جـاءـ مـنـ قـبـلـ اللـهـ اوـ مـنـ قـبـلـ رـسـوـلـ اللـهـ. لـاـنـ دـهـ يـاـ اـخـوـانـاـ عـنـدـنـاـ غـيـبـ. الـلـيـ جـوـةـ الـقـبـرـ دـهـ - [01:00:09](#)

نـحنـ لـاـ نـعـرـفـهـ. فـالـلـيـ يـقـولـ لـكـ عـلـىـ اـيـ حاجـةـ مـتـعـلـقـ بـالـقـبـورـ اـسـأـلـهـ عـلـىـ دـهـ دـلـيـلـ وـلـاـ مـاـ عـلـيـهـوـشـ دـلـيـلـ؟ اللـهـ اـعـلـمـ آآـ هـلـ يـجـوـزـ اـذـاـ دـخـلـتـ

الى صلاة الجماعة ورأيتم مثلكم؟ ان انا اسجد مثلهم وهل تحسب علي لي ركعة - 01:00:29

آآ بصوا النبي صلى الله عليه وسلم يقول كما عند الترمذى بساند صحيح اذا اتي احدهم والامام على حال فليصنع كما يصنع الامام اذا جيت ولقيت الامام راكع الحديث بيقول لك اعمل ايه واذا جيت والامام ساجد تعمل ايه؟ واذا جيت ولقيت الامام قاعد بين السجدين تعمل ايه - 01:00:49

فانا ازا اتيت الى المسجد اصنع ما يصنعه الامام. اما اللي الناس بتعمله لو الامام ساجد يفضل واقف مكانه كده لحد ما الامام يقوم نقول له لأ ده خطأ وهذا - 01:01:09

مخالف للسنة. طيب هل تحسب عليها ركعة ام لا؟ لا تحسب لك ركعة. لأن الركعة انما تدرك بادراك الايه؟ الركوع. على قول الجمهور قال النبي صلى الله عليه وسلم من ادرك الركوع فقد ادرك الركعة. اما اذا اتي والامام بعد القيام من الركوع او وهو ساجد لا تعد له ركعة - 01:01:19

اذا اتي احدهم والامام على حال فليصنع كما يصنع الامام. حديث رواه الترمذى بساند صحيح. هل يجوز قراءة سورة الناس فقط او الفرق فقط في ركعة واحدة ام قراءة المعاوذتين معا؟ ثبت من حديث عقبة بن عامر انه قال كنت مع النبي صلى الله عليه وسلم في سفر - 01:01:39

اه اه قال النبي صلى الله عليه وسلم لي يا عقبة لقد انزل علي الليلة سورتان لم ينزل في التوراة ولا في الانجيل في الزبور مثلهم مثلهما. قل اعوذ برب الفلق وقل اعوذ برب الناس. قال فنعتجب ان الصورتين صغيرتين قصيرتين - 01:01:59 النبي يقول لا التوراة ولا الانجيل ولا الزبور ولا الكتب اللي قبلنا نزل فيها صورتين بالمكانة والعظمة بتبع الصورتين دول. قال فلما رأى النبي مني العجب اذن لصلاة الفجر فصلى النبي بالركعة الاولى بالفاتحة وقل اعوذ برب الفلق وفي الثانية بالفاتحة وقل اعوذ برب الناس. نعم - 01:02:19

علشان يأكذ ان الصورتين دول ايه؟ اه عظيمتين. ماشي كده؟ كنت ببحس عن عروسة مش انا ده سؤال كنت سؤال سؤال والله. طيب. اخوانا هو اهم حاجة ان الواحد يؤمن نفسه. اه - 01:02:39

انتم مش عارفين دلوقتي حد يقوم جاي قاصص من هنا وقاصص من هنا وبيجيت آآ السؤال اهو طيب كنت ابحث عن عروسة كان يبحث عن عروسة فوجد بيقول فوجدت اخ يطلب مني مال مقابل هذا. فهل اعطيه ام - 01:02:59

وهل يجوز له ان يطلب مقابل هذا العمل الخيري ام لا؟ هو الاصل الا يطلب. ده الاصل افضل الا يطلبه ازا كان بقى بيعمل اتصالات هنا وبيعمل اتصالات هنا وبيربط هنا وبيربط يعني بيعمل خدمات وبيصرف آآ اتصالات و حاجات من كده. فلا بأس ان يطلب ولكن لا يغالي - 01:03:19

لا يا غالى. الشباب اصلا يعني مساكين. فالاصل انه يعمل هذا الامر حزبا لله سبحانه وتعالى. اما اذا اخذ عليه اجرا فلا بأس باذن الله تبارك وتعالى آآ انا ذاهب لقرطي غدا باذن الله وهناك عزاء اواسي احد - 01:03:39

رانى توفي بالامس. لكن غدا الخميس ولست متفرغ غير ذلك اليوم. فهل الذهاب بدعة؟ ارى انه ان شاء الله ليس ببدعة باذن الله تبارك وتعالى. اه روح مش ما تروحش على ساعة الصوم. روح قبل او روح بعد. آآ - 01:03:59

تذكرة بصيام بكرة الخميس ان شاء الله. طيب السلام عليكم ورحمة الله. اه اريد فقط ان اعتذر لزوجي فقد ابو الدكتور بالامس واريدك ان يسامحني وانا حزينة من امبارح على اساءتي في كلامي. ابوبة انا مالي انا - 01:04:19

طيب. ايه؟ هو لعله يعني موجود معنا هنا. انت عرفت منين اوعى تكون انت. طيب. يعني اه يعني خلاص طالما هي اعترفت واعتذررت خطأها مقبول باذن الله. اتفضل لما هو واقف عشان ربما - 01:04:39

ما شاء الله. احنا نشكر كل يوم لما حضرتك تيجي اول ما نشكر اشكر الزملاء الاعزاء اللي بيترعوا الدم. ما شاء الله. وجميل عليهم. وربنا بيعوضهم بكل خير. يا رب - 01:05:19

كلنا نشكر هؤلاء وربنا يزيد من امثالكم. اللهم امين يا رب. ربنا يا رب يحفظك يا رب وده لفتة جميلة بيعلمونا ان احنا اخوانا اللي كل

مرة بيترعوا بالدم ربنا يا رب يجزيهم خير. ويقبل منهم علهم يا رب. اللهم امين. جزاك الله خير. اعوذ بالله عز وجل. طب انت  
عايزين اربعة وثمانين دم؟ اربعة يا جماعة متبرعين - 01:05:39

يلا اما بالنسبة للزوج فطلب اعتذرت انا انصحك انك تقبل ان شاء الله. اقبل النصح وطالما هي بتطلب العفو امام الجميع. فانا اشفع لها  
عننك. انك تسامحها النهاردة وتعزمها كمان. طيب - 01:05:59

تركيب الاظافر والرموش والعدسات اللاصقة في الفرج. طيب اما اذا كان الفرح مختلط فقولا واحدا كله حرام. اما اذا كان الفرح فيه  
نساء في جنب بعيد عن الرجال. الاظافر والرموش حرام. التركيب والرموش الصناعية هذا من - 01:06:19  
الذى لعن النبي صلى الله عليه وسلم من يفعله؟ لعن الله الوصالحة والمستوصلة من شعر الرأس بس هو شعر الحاجبين. فده حرام. اما  
العدسات اللاصقة فلا شيء في ذلك. ما فيش فيها مشكلة حالا. تعملي عدة صلاصنة وانت راحة حلال ما فيش فيها مشكلة بس لا  
يراهها الا من طبعا عدسات لاصقة بتبقى حاجة - 01:06:39

كده عيون كده جميلة. تلقت انتظار الناس. تعمليها هناك ما فيهاش فيها مشكلة. آآ وسط النساء ما فيش فيها مشكلة والله اعلم لو  
سمحت يا شيخ في لعبة نزلت اسمها الحوت الازرق. اللعبة بتخليل الانسان ينتحر. ما حدش ينزل - 01:06:59  
لعبة الحوت الازرق. حاضر. امبراح يعني انا الناس كلها عاملة هيصة على على الحوت الازرق انا نفسي الناس برضه تعمل هيصة على  
الموقع الاباحية. ازا كان الحوت الازرق الانسان بيفقد به حياته. فان - 01:07:19

الموقع الاباحية بيفقد الانسان بها قلبه. دينه. دينه. نعم. انا نفسي الناس برضه تعمل هيصة كده على والعياذ بالله التطبيقات اللي فيها  
اشياء محمرة لأن الدين عندنا اعلى من الحياة. ديني ده اعلى ما املك. يا ريت النهاردة برضه المجتمع زي كل القنوات - 01:07:39  
النهاردة عاملة هيصة على الحوت الازرق. يا ريت برضو بتعلموا هيصة على العري اللي في الشوارع. يا ريت بعملوا هيصة على العري  
اللي في الشوارع. يا ريت برضو القنوات اللي - 01:07:59

داعي ان هي بتحب المجتمع والكلام ده. يا ريت برضو بتعلموا هيصة على المخدرات جوة المجتمع وضرر المجتمع ويا ريت برضو زي  
ما انت عملتم هيصة عن الحوت الازرق والشو اللي انت عملتوه كبير في القنوات بتاعتكم. يا ريت برضو الله يبارك فيكم. بعملوا لنا  
برضه كده ان في حاجة - 01:08:09

اسمها افلام ومسلسلات بتدمير اخلاق الشباب. دي اسوأ من الحوت الازرق. يا ريت والله يكون عندنا برضو  
كده ايه زي ما الناس كلها ما شاء الله يعني. انا ظني ان اللي كاتبة الورقة دي بنت صغيرة. او ولد صغير. لان خاص اتعمل كده ايه  
بيقولوا عليه ايه - 01:08:27

زوم على اللعبة دي فالكل بيتكلم عنها. يا ريت برضو بيقى آآ يقودوا حملات على السوء الخلقي في الشوارع. يا ريت يقودوا حملات  
على الاولاد اللي قاعدين ليل نهار قدام مدارس البنات. يا ريت بعملوا يعني آآ يعني زوم كده عن المشاكل بتاعة المجتمع الله يحفزكم.  
يا ريت. حكم - 01:08:47

دعاء الامام للميت بعد دفنه وعلى القبر مع استقبال القبلة والناس تؤمن وراءه. ارى ان كل واحد يدعوا وحده لأن النبي قال استغفروا  
لأخيكم وأسألوا له التثبيت فإنه الان يسأل. حكم بدء الصلاة بغير أول الآية مثل قوله مثلا والله غفور رحيم يريد - 01:09:07  
يريد الله ليبيين لكم سورة النساء. ارى انه لا يجوز. أبدأ الآية من بدايتها. لم يتثبت عن النبي صلى الله عليه وسلم ولا عن الصحابة ولا  
عن التابعين ولا عن أحد - 01:09:27

ان كان بيجب الآية من اخرها او يجيء الآية من نصها. هات الآية من اولها. والله اعلم. ما حكم التختم بالحديد؟ ارى انه جائز. فالنبي  
يقول حديد. ده او ده. ما معنى حاضر - 01:09:37

لو انا مثلا بصلی صلاة فقررت اول وجه في اول ركعة وتناني واجب. ما فيش فيها مشكلة خالص. خالص. هو بيقول مسلا جاب من  
نص الآية. انما لو قرأ آية هنا او آية هنا ما فيش فيها مشكلة. قرأ وجه ما فيش مشكلة. ما معنى قول النبي صلى الله عليه وسلم  
لم يلغو؟ الساعة كم دلوقتي - 01:09:57

كم؟ ياه! طيب انا اسف جدا خالص اخر سؤال. ما معنى قول النبي صلى الله عليه وسلم لم يلغ في قوله من بكر وابتكر فاستمع ولم يلغ. معنى لم يلغ اي لم يتكلم. اللغو في - [01:10:17](#)

الجمعة نوعين. النوع الاول قوله صلى الله عليه وسلم من حصن من مس الحصى فقد لغى ان هو مشغول زي مسلا تلاقي مسلا حد بيخطب وفيه واحد وراه ماسك التليفون عمال يلعب ده اسمه لغو. المعنى الثاني اللي ورد ببرضو في احاديث النبي في اللغو في يوم الجمعة من قال لأخيه صه فقد لغى - [01:10:37](#)

لغوا هنا له معنيين. معنى ان الانسان يشغل بشيء عن الامام؟ المعنى الثاني ان يتكلم والامام يخطب فيشغل نفسه تشغل مين؟ ويشغل من حوله. ده المعاني والله اعلم. جزاكم الله خيرا انا طولت عليكم النهاية. ونكون ان شاء الله الادب مع رسول الله صلى الله عليه وسلم الاسبوع القادم هذا وصلى الله - [01:10:57](#) - [01:11:17](#)